

452

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1 tačke d) i člana 35 Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 1/08, 3/15, 7/15, 41/16, 42/17 i 50/18) i na osnovu Odluke o osnivanju Fonda zdravstvenog osiguranja Brčko distrikta BiH (Službeni glasnik Brčko distrikta BiH, br. 1/07, 8/07, 7/11, 45/14, 20/16, 7/18 i 11/20), na 35. redovnoj sjednici, održanoj 3. 6. 2020. godine, donosi

O D L U K U
O IZMJENAMA I DOPUNAMA STATUTA
FONDA ZDRAVSTVENOG OSIGURANJA
BRČKO DISTRIKTA BiH

Član 1

- (1) U članu 11 Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 1/08, 3/15, 7/15, 41/16, 42/17 i 50/18), stav 3 mijenja se i glasi:
„(3) Član Upravnog odbora ne može biti lice koje je direktor javnog preduzeća ili ustanove Brčko distrikta BiH, kao ni zaposlenik Fonda.“
- (2) U istom članu, iza stava 7 dodaje se novi stav 8, koji glasi:
„(8) Upravni odbor najmanje dva puta godišnje izvještava osnivača o svom radu.“
- (3) Dosadašnji stavovi 8, 9 i 10, postaju stavovi 9, 10 i 11.

Član 2

Iza člana 12, dodaje se član 12a koji glasi:

„Član 12a

- (1) Članovi Upravnog odbora imaju pravo na naknadu za rad u Upravnom odboru koja može iznositi najviše do iznosa prosječne neto plate isplaćene u Brčko distriktu BiH za prethodnu godinu.
- (2) Predsjedniku Upravnog odbora naknada se uvećava za 20%.“

Član 3

- (1) U članu 13 stavu 1, iza tačke i) dodaje se nova tačka j) koja glasi:
„j) Podnosi godišnji program rada osnivaču na usvajanje najkasnije do kraja prvog kvartala kalendarske godine za koju se program usvaja.“
- (2) Dosadašnje tačke j, k, l, m, n, o, p, r, s, t, u, v, w i z postaju tačke k, l, m, n, o, p, r, s, t, u, v, w, x i z.

Član 4

Iza člana 35 dodaje se član 35a, koji glasi:

„Član 35a

- (1) Sve akte, njihove izmjene i dopune koje regulišu plate, naknade, minuli rad, topli obrok, dnevnice i druga primanja, isključivo se donose uz saglasnost osnivača.
- (2) Potrebno je tražiti saglasnost osnivača na bilo kakve izmjene i dopune akata koje je osnivač donio ili prethodno dao saglasnost.“

Član 5

Ova odluka stupa na snagu osmog dana od dana objavljivanja u Službenom glasniku Brčko distrikta BiH.

Broj: 015-180/7-UO-48/20
Brčko, 3. 6. 2020. godine

PREDSJEDNIK UPRAVNOG ODBORA
Doc. dr. med. sci. Zoran Tošić, s. r.

grad, Bulevar Mihajla Pupina 115e, 11 000 Beograd, Republika Srbija, podnesenoj putem punomoćnika Amine Đugum, advokata iz Sarajeva, Fra Andela Zvizdovića 1/B 1, 71 000 Sarajevo Bosna i Hercegovina, na 68. (šezdesetosmoj) sjednici održanoj dana 23.04.2020. godine, donijelo je

R J E Š E N J E

1. Ocjenjuje se dopuštenom koncentracija na tržištu trgovine na veliko jestivim biljnim uljem na teritoriji Bosne i Hercegovine, koja će nastati sticanjem pojedinačne kontrole privrednog subjekta MK Group d.o.o. Beograd nad privrednim subjektom Victoria Group a.d. Beograd i njegovim zavisnim društvima, kupovinom (...) *¹ dionica.
2. Ovo Rješenje o koncentraciji se upisuje u Registar koncentracija.
3. Obavezuje se privredni subjekt MK Group d.o.o. Beograd da plati administrativnu taksu na rješenje u iznosu od 5.000,00 KM u korist Budžeta institucija Bosne i Hercegovine.
4. Ovo Rješenje je konačno i bit će objavljeno u „Službenom glasniku BiH“, službenim glasilima entiteta i Brčko distrikta Bosne i Hercegovine.

Obrazloženje

Konkurencijsko vijeće je zaprimilo dana 19.11.2019. godine pod brojem: UP 02-26-1-036-1/19, Prijavu koncentracije (u daljem tekstu: Prijava) privrednog subjekta MK Group d.o.o. Beograd, Bulevar Mihajla Pupina 115e, 11 000 Beograd, Republika Srbija (u daljem tekstu: MK Group ili Podnosilac prijave), podnesenu putem punomoćnika Amine Đugum, advokata iz Sarajeva, Fra Andela Zvizdovića 1/Bⁿ 1, 71 000 Sarajevo Bosna i Hercegovina, radi namjere sticanja pojedinačne kontrole nad privrednim subjektom Victoria Group a.d. Beograd, Bulevar Mihajla Pupina 115 b, Beograd, Republika Srbija (u daljem tekstu: Victoria Group ili Ciljno društvo).

Uvidom u zaprimljenu Prijavu i priloge uz istu Konkurencijsko vijeće je utvrdilo da istu treba dopuniti te je u tom smislu dana 04.12.2019. godine aktom broj: UP 02-26-1-036-2/19 uputilo Zahtjev za dopunu Prijave koncentracije.

Podnosilac prijave je dana 10.12.2019. godine podneskom zaprimljenim pod brojem: UP 02-26-1-036- 5/19 dostavio traženu dopunu, te je dana 17.12.2019. godine podneskom broj: UP 02-26-1-036-6/19, dana 30.12.2019. godine podneskom broj: UP 02-26-1-036-7/19, dana 21.02.2020. godine podneskom broj: UP 02-26-1-036-10/19, samoinicijativno dopunio Prijavu.

Konkurencijsko vijeće je, u skladu sa članom 16. stav (4) Zakona dana 06.02.2020. godine, objavilo u dnevnim novinama Obavještenje o dostavljenoj Prijavi (akt broj: UP 02-26-1-036-8/19 od 05.02.2020 godine) (u daljem tekstu: Obavještenje), u kojem su objavljeni podaci o namjeravanoj koncentraciji, te su pozvane sve zainteresovane strane na dostavljanje pisanih komentara u vezi provođenja iste. Na predmetno Obavještenje nisu dostavljeni komentari.

Nakon kompletiranja Prijave Konkurencijsko vijeće je izdalo Potvrdu o kompletnoj i urednoj prijavi, u smislu člana 30. stav (3) Zakona, akt broj: UP 02-26-1-036-11/19 dana 22.04.2020. godine.

Podnosilac prijave je u skladu s članom 30. stav (2) Zakona naveo da ima obavezu podnošenja prijave namjere koncentracije konkurencijskim organima u Srbiji, Crnoj Gori, Sjevernoj Makedoniji i Sloveniji.

Prijava je podnesena, u smislu člana 16. stav (2) Zakona o konkurenciji obzirom da je pravni osnov predmetne koncentracije Pismo o namjerama od 15.11.2019. godine. Konkurencijsko vijeće je u postupku ocjene dopuštenosti predmetne koncentracije utvrdilo slijedeće činjenice:

453

Konkurencijsko vijeće Bosne i Hercegovine na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16. i 18. Zakona o konkurenciji („Službeni glasnik BiH“, br. 48/05, 76/07 i 80/09), (u daljem tekstu: Zakona), rješavajući po Prijavi koncentracije privrednog subjekta MK Group d.o.o. Beo-

¹ (...) * Podaci predstavljaju poslovnu tajnu